

27. oktober 2000

UKA 2000/19

**Nioqqtissiat avataaniit pisiat akitsuuserneqartarnerat pillugu Inatsisartut
inatsisaata allanngortinnissaanut siunnersuut**

pillugu

aappassaanerinissamut

Inatsisartut Akileraartarnermut Akitsuusiisarnermullu Ataatsimiititaliaata

ISUMALIUTISSISSIONTAA

Inatsisartut Akileraartarnermut Akitsuusiisarnermullu Ataatsimiititaliaat
suliarinninnermi ukuninnga inuttaqarpoq

Inatsisartuni ilaasortaq Per Berthelsen (S), siulittaasoq

Inatsisartuni ilaasortaq Lars Sørensen (IA)

Inatsisartuni ilaasortaq Hans Enoksen (S)

Inatsisartuni ilaasortaq Daniel Skifte (A)

Inatsisartuni ilaasortaq Mads Peter Grønvold (K)

Inatsisartut Akileraartarnermut Akitsuusiisarnermullu Ataatsimiititaliaata ulluni 6.
aamma 26. oktober 2000-imi ataatsimiinnermini Nioqqtissiat avataaniit pisiat
akitsuuserneqartarnerat pillugu Inatsisartut inatsisaata allanngortinnissaanut
siunnersuut oqaluuseraa.

Ataatsimiititaliap iluarisimaarlugu malugaa siunnersuutikkut biilit pigisat
taarsernerannut atatillugu taxaatillit aningaasatigut oqilisaaviginissaat kiisalu
nutaamik qamutaatitaarniartut oqinnerusunik atugassaqarnissaat anguniarneqassasoq.

Taamatut oqilisaassineq pissaaq qamutaatillip taxap eqqunneqarnerani akitsuutip
affaannaq akilissammag, affaalu qamutaatillip qamutaatiminik
qularnaveeqqusissammag. Akitsuut qularnaveeqqussigaq taamaallaat
akilerneqassaaq taxa 250.000 kilometerit angunagit ingerlareersimalluni imaluunniit
ukiut tallimat inorlugit minnerpaamik 175.000 kilometerit ingerlareersimalluni
tunineqarpat. Taxa ukiut pingasut sisamalluunniit qaangiunneranni tunineqarpat
akitsuummut qularnaveeqqusissat ukiunut taaneqartunut siullernut tunngatillugu
25%-iat kingullernullu tunngatillugu 10%-iat kisimi akilerneqassaaq.

Akileraartarnermut Akitsuusiisarnermullu Ataatsimiititaliap Naallakkersuisut aamma isumaqatigai, oqarmata, taxap eqqunneqarnerani akitsuutip affaanaata akilerneqarnissaanut tunngaviutinnejassasoq taxat nutaat nakkutilliissumik atortulerneqartalissasut, taamaalluni takuneqarsinnaalersillugu ingerlaarterup nalaani taxa ilaasoqarsimansoq, taamaaliornikkut "nalunaarsugaan-ngitsumik ingerlanikkut" akileraarutitugit annaasat annikillisarniarlugit.

Tassunga atatillugu Akileraartarnermut Akitsuusiisarnermullu Ataatsimiititaliap eqqaasitsissutigissavaa taxa inummuit biillummat, inuussutissarsiutigalugu angallassisutitut taamaallaat atorneqarsinnaasoq. Tamatuma kingunerissavaa aningaasartuutinut ilanngaasiinissamut tamakkiisumik pisinnaatitaaffeqarnera, biillu pisiarinerani nalingata nalilikilliliissutaanissaa tamakkiisumik pisinnaatitaaffiusoq.

Akileraartarnermut Akitsuusiisarnermullu Ataatsimiititaliap maluginiarpaa Naalakkersuisut saqqummiussissutikkut ilisimatitsisut siunnersummut matumunnga atatillugu taxanik ingerlaarterup inatsisiliunneqarnissaa sulissutiginiaritsik.

Akileraartarnermut Akitsuusiisarnermullu Ataatsimiititaliap kaammattutigissavaa taxaatilinnut tunngasup tamarmi misissuiffigineqarnissaa Naalakkersuisut aallartissagaat, taamaaliornikkut taxaatilinnut tunngasut Inatsisartunit aalajangersaaviginissaannut tunngavilersorluakkanik tunngavissaqarnissaq pisinnaaqullugu.

Misissuinikkut aamma ilanngullugu tunngavissinniarneqassaaq taxaaateqarnermik inuussutissarsiutip inuussutissarsiutivittut isigineqalernissaa, taamatullu taxaatilinnut, taxanillu ingerlatitsisartunut aalajangersakkanik aaqqissuulluakkanik atugassaqartitsinissaq.

Misissuinerup inernerisariaqarpaa Naalakkersuisut ajornangippat 2001-imi Inatsisartut ataatsimiinnissaannut pisariaqartinneqartutut inatsisiliassamik saqqummiussinissaat.

Akileraartarnermut Akitsuusiisarnermullu Ataatsimiititaliap isumaqatigiittup taamaalluni inassutigaa Nioqqutissiat avataaniit pisiat akitsuuserneqartarnerat pillugu Inatsisartut inatsisaata allanngortinnissaanut siunnersuut Inatsisartut akuersissutigissagaat.

Per Berthelsen

Hans Enoksen

Lars Sørensen

Daniel Skifte

Mads Peter Grønvold